

Te Heheuraa Api

E ITE ʻĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 3

-- MATI 1951 --

MAT. 38.

TE HAERERAA O TE TAATA I MUA.

(Parau tumu: *Te faaiteraa e mea nahea ta Satane, te enemī tamaru no te opuaraa ora ra, faahemaraa i te mau taata matamua ia faarue i te faatereraa hau, no te ra'i mai, e to'na faaoraa mai i te faatereraa na roto i te puai e te haavīraa.*)

TE ORURERAA HAU A SATANE.

MAi te au i te mau parau tei papaihia i roto i te Ruka a Mose e te Buka a Aberahama, i roto i te Buka Poe Tao'a Rahi, te haapiihia mai nti tatou e, a taa ê noa'tu ai te parau ra te vai ra to te taata tiamāraa, te taa ê ra ratou, te tahi i te tahi, i roto i te ite e te haapao-maitai-raa. E au ra e, ia hi'o noahia'tu, te vai ra ia ratou te mau huru e itehia nei i roto i te mau tamarīi a te taata i te fenua nei. Te vai ra, i roto ia Lucifera, te varua nounou e te titauraa mana. (A hi'o i roto i te Isaia 14:12-18)

No to'na mana rahi ua titau oia i te toru o te tufaa o te mau varua ia tauturu ia'na i roto i ta'na aroraa. Na to ratou tauturnraa ia'na i faaite mai e, noa'tu e tei mua ratou i te aro o te Atua e ua horoa'toa hia'tu te mau tiaraa e te mau haamaitēraa tei horoahia hoi i te toea o te mau varua, no te mea aita o reira e hi'oraa i te huru o te taata, te vai ra i rei-

ra te tahi mau mana e te tahi mau hinaaro tei rave i te ohipa patoiraa i te mau haapiiraa parau-tia ra. I reira ua pee te taata i tei auhia e ratou, e i te tahi mau taima aita te reira mau hinaaro i riro ei ravea no te faatupuraa i te hau e te oaoa. E mea ohie roa ia ite e, a haere noa'i te reira mau varua na roto i te ite ua tia roa ia haapiihia na roto i te farereiraa i te Metua iho e ta'na mau tavini haapao maitai, i to ratou orureraa i te hau ua na reira ratou ma te ite maitai i te hopea o ta ratou ohipa ino. Aita te reira mau varua i haapao i to ratou huru matamua ra e ma te ite papu i te hopea rariro atura ratou ei mau tamarii no te pohe ra.

Ua tamau noa ta Satane aroraa i nia i te fenua nei

Ua haere noa te aroraa tei haamatahia, i te ao varua, no te patoiraa i te faatereraa tia ra, i nia i te fenua nei i te taima mau i tuuhia mai ai te taata i reira. I roto i te ao varua ua parau te Faaora: *E e tamata tatou ia ratou i teie nei mau mea, ia ite e, e rave anei ratou i te mau mea'toa ta te Fatu, to ratou Atua, e faaue mai ia ratou ra.* (Buka Poe Tao'a Rahi, Aberahama 3:25) No reira ua tuuhia mai te taata i nia i te fenua nei ia tamatahia oia, ia itehia e, e haapao maitai anei oia i te mau mea atoa, e ia na reira oia ia tia ia amuihia i nia i to'na upoo te hanahana e a muri noa'tu, e a ore ra ia taupupu oia ma te farii i te hoê utu'a huru iti tei au i te ohipa te ravehia e ana ra, ia au i to'na ra tiamâraa. No taua tuamu ra, te tamataraa ia'na, ua faatia te Atua, ia Lucifera te orure hau, e te mau varua tei pee ia'na, ia haere mai i raro, i nia i te fenua nei, no te faahema i te taata e ia rave i te mau ravea atoa no te aratairaa ia'na na nia i te mau e'a i opahia ra. Area râ te vai atoa ra te tautururaa o te Varua o te Fatu, oia hoi te maramarama o te Mesia, tei horoahia i te mau taata atoa te fanauhia i te ao nei (B. F. 84:46-48), e te aratai i te mau varua atoa i te îraa o te evanelia, mai te mea e haapaohia ta'na mau haapiiraa e ta'na aratairaa. I roto i

ta'na haapiiraa i ta'na tamaiti ua faaite papu o Lehi e, no te faatupuraa i te opuaraa a te Atua no nia i te taata nei, ia vai mau te patoiraa i te mau mea atoa; te maa i rahuihia ra ei patoiraa i te raau ora ra, te ino ei patoiraa i te maitai, te mauui e te mamae ei patoiraa i te hau e te oaoa. Area râ, ua horoahia i te taata nei te mau ravea atoa no te apee atu i te parau-tia e ia ite i te hinaaro o te Fatu no nia ia'na iho.

Ua hau atu to ratou hereraa ia Satane i te Atua ra.

I to Satane haereraa mai i rotopu i te mau tamarii a Adamu e i to'na parauraa ia patoi atu i te mau haapiiraa a Adamu, ua faaroo ratou i ta'na mau haapiiraa e ua faarue ratou i te parau a te Fatu. Te na ô maira te parau papai: *aita ratou i tiaturi faahou, e ua hau atu to ratou hereraa ia Satane i te Atua ra. E haamata'tura te taata ia riro ei haapao i to te tino ra, e te peu a te tiaporo ra.* (Buka Poe Tao'a Rahi, Mose 5:13)

Te faaroo nei matou ua iti roa te mau tamarii a Adamu, e ua iti atoa ta ratou huaai tei haapao i ta'na mau haapiiraa. E au ra e, mai te haamataraa mai â, ua pio ê atu te pae rahi o ratou i te faatereraa hau tei faatupuhia e te Mana Hope na roto ia Adamu e tei faatumuhia i nia i te mana no te ra'i mai e te heheuraa hoi. I to te taata aereraa e te purararaa na nia i te fenua nei rave atura ratou i te peu tei faaitehia mai e Caina: *O vai te Fatu ia tia ia'u ia ite ia'na.* (Mose 5:16)

I roto i te reira huru varua faatupu atura te taata i ta ratou iho mau faatereraa hau. Noa'tura i te reira, ua afai noa ratou, na muri ia ratou iho, te tahi pae o te mau parau tutuu e te mau haapiiraa (i roto i te huru hape) tei horoahia mai na roto i te heheuraa no te ra'i mai. A haere noa'i te ino i te rahiraa e mea papu ua haere atoa te reira mau haapiiraa, tei horoahia mai e to te ra'i ia Adamu, i te faahuru ê raahia mai te au i ta te orureraa hau e te ino raveraa. A parare ai te taa-

ta na nia i te fenua nei e a faatia'i oia i ta'na mau faatereraa hau ua monohia te haamoriraa i te Atua mau i te tahi huru haamoriraa taa ê atu e te mau haapiiraa tei hehenhia mai, ua monohia ia e te mau mana'o e te parau tutuu a te taata nei. Na roto i te reira mau raveraa tupu maira te mau basileia politita ra—tei faamuhia e tei patuhia i nia iho i te orureraa i te hau matamua ta te Atua i horoa mai na te taata nei.

No te iti o te parau tuatapapa no te tau i mua'tu i te dilu-vi aita'tura e ia ia matou ia ite e, eaha te huru o te mau faa-tereraa hau tei faatiahia i muri noa iho i te taivaraa tei tupu i te matamua roa ra. Ua rave o Caina i te tamahine a to'na ra taeae ei vahine na'na ra, *e ua hau atu to raua hereraa ia Satane i te Atua ra* (Mose 5:28), e haere atura oia, e te tahi pueraa taata, i te fenua i Noda, i te pae i te hitiaa o te ra e parahi atura ratou i reira. Ua ite atoa taton e ua rahi roa te nunaa o Caina. Tupu atoa'tura te tahi mau nunaa no roto mai i te huaai o Adamu tei ore i pee atu na muri ia Caina ra e ua oaoa, te pae rahi o ratou, i roto i te raveraa i te ino. O te mau nunaa ia o Shuma, o Kanaana, o Enoha, o Heni, o Sema, o Omara, o Hanera e o Hanaia e te tahi atu â paha.

Te orureraa hau, te mau tama'i e te haamaniiraa toto.

E mea na roto i te maitiraa, no te ra'i mai, to Enoha rira-raa ei mitinare i rotopu i te mau nunaa o te ao nei e ua pa-rau mai te Fatu ia'na:

E tan tamaiti, e Enoha, a tohu atu na i teie nei mau taata, e a parau atu ia ratou—A tatarahapa, na parau mai te Fatu: Ua riri roa Vau i teie nei mau taata e ua ama to'u riri u'ana ia ratou ra; no te mea ua etaeta to ratou mau mafatu, ua tui hoi to ratou mau tari'a e eita hoi to ratou mau ma-ta e ite i te vahi atea ra;

E no te mea ua haere ê atu teie nei mau n'i, mai te mahana mai â o to'u hamaniraa ia ratou, e ua huna ia'n, ma te imi i ta ratou iho parau i roto i te poiri; e i roto i to ratou mau ino ua imi ratou i te taparahiraa taata, e aita ratou i haapao i te mau faaueraa ta'u i horoa'tu i to ratou ra metua ia Adamu. (Mose 6:27-28)

No te haapaoraa i te reira faaueraa haere atura o Enoha na roto i te mau nunaa atoa, maori râ to Kanaana no te mea e huaai ratou no Caina. Ua riro te huaai o Caina ei mau taata ereere tei ore roa i auhia e te tahi mau nunaa. A haere noa'i o Enoha ua tia oia i nia i te mau aivi, e te mau vahî teitei, ma te tiaoro atu i te mau taata e ua inoinohia ratou no te mau parau ta'na e haapii ra ia ratou. Noa'tura i te reira ua mata'u ratou ia'na no te mea, na roto i te puai o to'na mana, ua auue te fenua ia parau oia e ua mau e atu te mau mon'a i ta'na faaueraa, area râ aita te reira mau mea i faa-tupu i te tatarahapa o te taata.

E mai te reira mai â tau ua tupu te mau tama'i, e te haamaiiraa toto i rotou ia ratou; area râ ua haere mai te Fatu e parahi i rotou i to'na ra man taata e ua parahi noa ratou ma te parau-tia.

Ua tae te mata'u i te Atua i nia i te mau nunaa no te rahi o te hanahana o te Fatu i te vairaa i nia i to'na mau taata. (Mose 7:16-17)

Te mana o Satane i nia i te fenua nei.

E ere atura i te mea tia ia parahi o Enoha, e to'na ra oire, i rotou i te ino o te mau taata o te fenua nei. No te rahi o to ratou parau-tia parau atura te Fatu ia Enoha:

Ua haamaitai au ia Siona, area te toea o te taata ra ua anatema ia yau ia ratou.

E tae atura te taime faaite atura te Fatu, ia Enoha, i te mau taata atoa o te ao nei; e ite atura oia e, inaha, i te taeraa o te tau afaihia'tura o Siona i nia i te ra'i. E parau atura te Fatu ia Enoha: A hi'o na i to'u fare mure ore.

E ite atoa'tura o Enoha i te toea o te mau taata no roto mai i te huaai o Adamu ra; ua riro ratou ei anoiraa no te mau huaai o Adamu, maori râ te huaai o Caina, no te mea e mea ereere te huaai o Caina e aita hoi to ratou e rahi parahiraa i rotou ia ratou ra.

E i muri a'e i to Siona afairaahia i nia i te ra'i ite atura o Enoha e, inaha, tei mua'tura ia'na te mau nunaa atoa o te fenua nei.

E tae maira te mau u'i na muri iho i te tahi mau u'i; e ua teitei e ua afaihia o Enoha i nia; e tae noa'tu i nia i te ouma o te Metua, e no te Tama-

iti a te Taata atoa hoi; e, inaha, tei nia iho atura te mana o Satane i te fenua atoa ra. (Mose 7:20-24)

A hopoihia'i o Enoha i nia ua ite atura oia ia Satane i te parahiraa i nia i te fenua nei, ma te hoê fifi rahi i te rima ra e ua tapoi oia i te fenua atoa i te hoê poiri rahi. Ua faatupuhia te reira poiri e te parau-ino a te mau taata e to ratou hinaaro i te tavini atu i te arii o te poiri tei hi'o atu i ta'na ohipa ma te ata rahi, e ua ata atoa hoi ta'na mau melahi. Noa'tura i te reira, ua tia mai te tahi pae, no roto mai i te reira poiri, no te patoi atu i ta Satane faatereraa e ua pou mai te tahi mau melahi, no te ra'i mai, no te faaite mai ia ratou i te parau faaite no te Metua e no te Tamaiti, e ua mai ri mai te Varua Maitai i nia i te tahi pae o ratou, *e ua ravehia ratou i roto ia Siona*. (Mose 7:27). Na roto i te reira ravea ua haamaitai atu te Fatu tei haapao e tei haehaa, e ua horoahia ia ratou te ravea no te amui atu i te oire i tahitihia ra e ia ravehia ratou i roto i te reira oire i te vahi atea i te paruru poiri a Satane ra. Te feia parau-tia tei toe mai ua parahi mai ratou no te mea e ohipa ta ratou e vaira, oia hoi, te a'oraa ia i tei parahi i roto i te poiri e ia mau i te mana, i nia i te fenua nei, i te i'oa o lehova e ia haa pû faahouraa i te taata i muri i to te mau feia rave hara haamouraahia e te diluvi.

E tau no te lno rahi.

E tai'o â tatou i te parau e, hi'o atura te Fatu o te ra'i nia i toea o te mau taata, i muri i to'na raveraa'tu i tei hinaaro i te tavini ia'na, e oto ihora oia. E ua na ô atura o Enoha, *Eaha te tumu i tia'i ia oe ia oto, no te mea e mea mo'ua oe mai te mau tau mai â e a muri noa'tu*. (Mose 7:29) Paho no maira te Fatu, na ô maira:

A hi'o na i to oe mau taeae, o ratou te ohipa tei ravehia e to'u nei rima, e i te mahana i hamani ai au ia ratou ra ua horoa'tu vau i to ratou ite; e i roto i te ô i Edene ua horoa'tu vau i te taata to'na ra tiamâraa; E teie ta'u

i parau atu i to mau taeae, ma te horoa'tu i te mau faaueraa, ia here atu ratou, te tahi i te tahi, e ia maiti hoi ratou ia'u, to ratou Metua; area râ, inaha, aita to ratou e aroha e te inoino nei ratou i to ratou iho toto; E ua ama te auahi o to'u riri tahoo ia ratou; e i roto i to'u nei riri rahi e tuu atu van i te dilavi i nia ia ratou no te mea ua tupu roa to'u riri rahi ia ratou ra. Inaha, o van te Atua; O te Taata Mo'a to'u nei i'oa; o te Taata Faa-ato to'u nei i'oa, e teie atoa te tahi o to'u mau i'oa, te Hopea ore e te Mure ore hoi. No reira e tia ia'u ia faatoro atu i to'u na rima e ia tapea i te mau mea atoa ta'u i hamani ra; e i rotopu i te mau mea atoa ta to'u rima i hamani ra aita'tu e vahi i rahi ai te ino ra, macri râ, i rotopu i to oe mau taeae. (Mose 7:32-36)

E ere o te taata ana'e tei ino, ua ino atoa ra te mau manu ora ra no reira te h'atu i parau ai e:

Ua viivii roa te fenua nei i mua i te aro o te Atua e ua i roa te reira i te parau-tia ore. Hi'o atura te Atua i te fenua nei, e, inaha, ua viivii te reira no te mea ua haaviivii te mau mea ora ra i to ratou haereraa. Parau atura te Atua ia Noa: Ua fatata roa te hopea o te taata atoa ra ia'u; ua i hoi te fenua i te parau-tia ore ia ratou: e inaha, te rave nei au e haamou ia ratou no nia i te fenua atoa nei. (Mose 8:28-30)

I roto i te reira mau tau matamua ua faufaa ore te mau faa-tereraa a te taata nei. Ua faariro ratou, ia ratou iho, ei mea parau-tia ore na roto i te orureraa hau, e te hara, no reira aita tu e ravea e vai ra no te tamâraa i te reira maori râ ia baptizohia i te pape.

EDITORIAL

TITAUURAA HOPEA.

Ia hinaaro tatou i te ite e, eaha te vahi te tia ia tiaturihia e tatou no te hoê taata teie ia na mea e piti te au ia itehia e tatou: Ia ite tatou e, eaha ta'na e faaroo ra, eaha te huru o to'na feruriraa no nia i te oraraa nei e eaha ta'na mau titau-raa hopea, e i reira e noaa ia ia tatou te iteraa e, ia tupu noa'-

tu te hoê haafifiraa, e faarue anei oia i tei faarohia e ana ra. Te vai nei, to te mau taata atoa, te tahi mau ture tumu, te tahi amuiraa parau no to'na faatereraa ia'na iho, ta'na e haapao, o a ore râ, ta'na e haapao ore—e e huru e hoi te ora e te amui-tahi-raa o te taata mai te au i ta ratou ra mau ture tumu e mai te au hoi i to ratou haapaoraa i te reira: mai teie te huru, e hau atu te tiaturihia te taata tei faaroo e e faaueraraa no te ra'i mai te parau no te haavare ore e te au, i te taata tei faaroo e, e peu noa iho te reira te au ia haapaohia i te taime au-maitai-ra.

E mea papu roa e tiaturi-mau-hia te taata te faaroo e, e horoa mai te paieti i ta'na utu'a mure ore, i te taata te faaroo e, te paieti ra e peu noa iho te reira, na te taata nei, te tia ia haapaohia i te taime e au ra. Oia atoa hoi, e haapao maitai a'e te taata tei faaroo e, te ora nei nei oia ia riro hoi oia ei taata mure ore, i te taata tei hi'o noa i teie nei oraraa e aita'tu.

E tamata paha te taata, tei faatano i to'na mata no te hoê tere poto, i te haru mai i te mau mea atoa ta'na i hinaaro i tei au ia na reirahia ra. Area te taata tei faatano i to'na mata i nia i te hoê tere mure ore ra e hi'opoa maitai oia i to'na tereraa. No'na ra e riro tei hamani-ino-hia ei peapea no te mea te vai ra te vahi, e te tau, e farerei-faahou-ai oia i te hamani-ino-hia e oia ra, e i te tahi vahi, e i te tahi tau, e faafarohia'i te mau vahi hape e e tuuhia mai ai te mau tarahia ra. Area râ e parau mau teie, te vai ra, i te tahi mau taime, te tahi mau taata tei haapao ore i te mau ture ta ratou parau e haapao ratou, e ua inoino tatou, ia ratou, no te reira. Noa'tura i te reira, no te iteraa e, eaha te rahiraa o te tiaturiraa te tia ia tuuhia i nia i te hoê taata (e eaha'toa te tiaturiraa te tia ia tuuhia i nia i te tahi amuiraa taata, e a ore râ, te hoê nunaa taata) e mea tia ia noaa te ite ia tatou eaha ia ta'na e tiaturi ra e eaha ta'na ra mau titaauraa hopea.

ia ite tatou e, eaha ta'na e titau nei i te oraraa nei; ia ite tatou e, eaha to'na tiaturiraa no nia i te mau tau i mua ra. Ia ite tatou e, tei nia to'na mata i te aha i te tiatonuraa—no te mea o te mea ia ta'na e titau ra ia ore oia ia haapeapeahia i to'na ra haeaeraa.

TE TAPITI-NOA-RAA

TE hoê o te mau ravea i faatiahia, no te haapiiraa'tu e te haapii hoi, o te tapiti-noa-raa. Area i te tahi mau taime e riro te tapiti-noa-raa ei ohipa fiu na te orometua iho e na te mau taata ta'na e haapii ra. E i te tahi mau taime e rohirohi roa te mau metua i te parau-noa-raa, i ta ratou mau tamarii, i te mau parau ohie no to ratou iho maitai—e i te tahi mau taime e pahono-iria-mai te tamarii: *Ua fiu matou i te faaroora i tena na parau.* E mea papu roa, e tia ia tatou ia paruru i ta tatou mau tamarii i te mau peapea, te mau ati e i te taime mau'a noa, ahiri ratou e hinaaro nei i te faaroo e te haapii hoi. Area râ, i te tahi mau taime, ua ahoaho roa te tahi mau metua tei taiâ.

Ma te reira mau mea i roto i to tatou mau feruriraa e tia ia ia tatou ia ferurii rii i nia iho i te mau ohipa e te faaoromai hoi a te Metua o te taatoaraa, no te mea no ô mai ia'na ra, mai to te mau tau atoa ra, te taeraa mai te mau parau mau ma te tuutuu ore noa'tu e ua haapao noa ta'na mau tamarii i te maiti i to ratou iho e'a e te roohia hoi i te ati. Ua pinepine to te mau Peropheta faaiteraa i te reira mau parau tumu e te mau utu'a hoi no te reira, ua papai-tamau-pinepine-hia ta ratou mau parau ia tia i te taata ia tai'o e ia haamana'o hoi i te reira.

Noa'tu i to te reira mau parau mau tau ore papairaahia, tai'oraahia, te parauraahia e te faarooraahia, e noa'tu hoi i

HISTORIAN'S OFFICE LIBRARY

→→→→←←←←

*Te feia i na te tai i te haere i na nia i te mau pahi ra, tei te moana rahi
ra to ratou ra toroa. O ratou te ite i te ohipa a Iehova, e ta'na mau ravea
taa e i te moana rahi ra. Ua faaue ana'e hoi oia, ua tupu maira te vero, e
teitei roa maira te are. Teitei noa maira i nia i te ra'i, e ua pou faahou i
raro i te abuso: tarapape roa a'era to ratou aau i te ahoaho. Ua taniho i
ua turorirori mai te taata taero ava ra, e hope roa a'era ta ratou ravea.
E ia roohia ratou e te ati ra, ua pii ratou ia Iehova ra, ua ora ihora ratou
ia'na i taua ahoaho no ratou ra. (Salamo 107:23-28)*

E Taime Poto To Te Mau Faufaa E Te Mau Oaoa O Te Ao Nei.

¶ E iriti nei te Atua, te Tumu e te hopea o te mau mea atoa, i te mau uputa o te ra'i ia tatou nei e eita e tia i te hoê noa a'e taata ia tapiri i te reira, maori râ, o tatou iho. Ia aifaitohia ratou i te mau oaoa o te ra'i eaha te huru faito o te mau faufaa e te mau oaoa o te ao nei. Eita te taata, tei noaa ta'na no roto mai, e hinaaro rahi i to rapae mai.

Na teie oraraa mure ore e pahono mai i te mau huru o te taata rave hara e ua horoa-noa-hia-mai, i roto i te Evanelia, i te mau taata atoa tei faaroo e tei haapao. E mana tamâraa rahi, to te parau e te Varua o te Mesia, i nia i tei faaroo ra.

Na roto i to ratou haapaoraa i te opuaraa o te ora e parahi te mau tamarii a te Atua i pihaiiho i to ratou Metua e a muri noa'tu. Ua hapetizohia ratou mai te au i to te Faaora tanraahia, ua tanuhia ratou i roto i te pape na roto i to'na ra i'oa. Na roto i te tuuraahia o te rima, e ta'na mau tavini i faatihia ra, ua farii ia ratou i te Varua Maitai, tei faaaahia i te hoê baptizoraa i te auahi ra. Ua amuihia to ratou oraraa, i to'na ra, i roto i te hoê hoaraa mure ore.

I roto i te oraraa e haere mai nei e ite mata ratou mai to ratou iteraahia mai, e e ite ratou mai to ratou itearaahia ra. E itehia, i roto i te îraa o to'na maitai, te maramarama o te feruriraa Atua ra. E riro ratou mai te ofai nehenehe i nia i te hei taraunu o te arii ra. E amuihia ia te utuafare paatoa, to te ra'i e to te fenua nei hoi.

E hau maruhia to tatou mau varua i te iteraa i te maitai o to tatou fare mure ore. I te mataitairaa i te reira mau haamaitairaa e maëë to tatou mau aau i te vahi teitei ra.

O vai te tia ia'na ia feruri i te hanahana te noaa na roto i te tiaraa taata ai'a no te Atua, e te mau haamaitairaa ta'na i faaineine no te feia te here ia'na ra? E haere te maereraa o te reira na roto i te mau tau mure ore.

I nia a'e i teie haamouraa rahi o te oraraa nei, teie haama-niiraa-rahi-toto tei faatupuhia e teie tama'i rahi, ua ite te feia tei tiaturi mau, te faatere noa nei te Atua e ua riro oia ei haapuraa no tatou. Te vai ra te mahana, e a pure i te Atua ia tae oioi mai te reira, e parau atu oia i te vero o te tama'i; *A faaea, a mania*, e eita hoi ratou e patoi i tei parau mai no te ra'i mai.

Charles A. Callis.

Te Faaora E Te Faahanahana Nei Te EVANELIA.

TE tia nei te faaroo MOMONI no te faaho'iraahia mai o te Evanelia i teie tau tuuraa evanelia, e ere ana'e ia te taatoaraa. Te tia nei oia no te evanelia i roto i te mau tau tuuraa evanelia atoa mai te au i to ratou parauraahia a parau mai ai te Atua, i te taata nei, e a horoa mai ai oia i te mau ture e te mau mana no te faaoraraa. Hoê noa iho te reira mau tau o te haere mai, mai te tau mai â o Adamu, e tae roa mai i teie nei.

Te evanelia tei poro-haere-hia e te mau Aposetolo tahito mea faaho'ihia mai ia, mai to teie mau mahana nei. Ua tae mai te reira, i nia i te fenua nei, hou te tau o te mau Aposetolo ra. Ua riro te *Haapaoraa Cherisetiano* te faaroo o te mau feia *Cherisetiano* tei inoino-roa-hia ra, ei *Haapaoraa Momoni*, te faaroo o te mau *Momoni* tei ore roa i aubia ra.

Eaha te peapea no te i'oa i topahia e te taata nei? Eita te parau mau e faaore-noa-hia na roto i to'na taora-noa-raa hia i te parau faaino. Eita te huru o te hoê ofai nehenehe e faahuru ê hia na roto i to'na tapoiraahia i te pehu e te repo. E taiamani ihoa te taiamani, noa'tu i to'na anaparaa mai, i raro i te repo, i to pae avae ra, e a ore râ, i nia i te hei ta-raunu o te hoê arii vahine.

E ere te *Haapaoraa Momoni* i te hoê hoturaa no te ahuru ma iva o te Tenetere. E ere na Iosepha Semita, e a ore râ, na te tahi taata ê atu i faatupu i te reira. Tei parauhia te *Haapaoraa Momoni* o te evanelia mure ore ia, te haaapaoraa faaroo o te mau tau atoa ra, te opuaraa rahi, a te Atua, no te ora o te nunaa taata; e eiaha ana'e no to ratou oraraa, no to ratou atoa ra faateiteiraa mai te mea e haapao ratou ia'na i to'na taatoaraa ra.

E toru huru mana to te evanelia: e hoo-faahou-mai, e faa-ora e e faahanahana hoi oia. Te hooraa ra o te tia-faahou-raa ia, aita ra te reira e navai; e ere i te mea navai ia faatia-noa-hia mai te taata no roto mai i te apoo. E tia-faahou-mai te mau taata atoa, tei maitai e tei ino atoa hoi; area râ e ere te tia-faahou-raa i te faaoraraa mai te faaoraraa i ore i riro ei faahanahanaraa.

E rave rahi to ratou, tei hoohia mai no roto i te apoo ra, te faautu'ahia, i te haavaraa hopea, no te mau ohipa ino i ravehia i roto i te tino ra; e rave rahi hoi te faaora atoa hia, area râ eita e noa ia ratou te hanahana tei riro ei faateiteiraa. Te horoa raa rahi a'e a te Atua, oia hoi, te ora mure ore, ua horoa-noa-hia mai te reira, i te taata, i tera tau e i tera tau, i roto i te mau tau tuuraa evanelia ra, e ua riro teie tau tuuraa hopea nei ei tau tuuraa rahi a'e e te hopea hoi. E ia faa-otihia teie tau hopea ra e faaoti-atoa-hia ia, ma te hanahana rahi, te ohipa rahi a te Atua no te fenua nei; te hoê ohipa tei haamatahia i te aahiata o te hamaniraahia o te ao nei e tei rave-noa-hia e tae roa mai i teie nei.

Orson F. Whitney.

TE BUKA A MOROMONA TE BUKA FAUFAA ROA A'E TEI NENEIHIA.

MAI TE MEA e ere te Faaroo Momoni i te parau mau ua riro ia te Peropheta ra o Iosepha Semita i te haavare rahi roa a'e tei itehia i roto i te ao cherisetiano. Mai te mea ra ua riro te parau a Iosepha Semita, no te taeraa mai o te Buka a Moromona, ei parau mau ua riro ia te reira buka ei buka faufaa roa a'e tei neneihia a'enei no te mea no te taeraa mai o te reira ana'e buka i tupu ai te mau faaiteraa hanahana no te ra'i mai. E mea horoahia mai taua buka ra e te Atua, e a ore râ, e haavare. O tei hia ra? Aita e ta afa raa.

Te tamau nei te Faaroo Momoni i to'na tiaraa i nia i te faufaa e te parau mau o te Buka a Moromona. E tia oia, e a ore râ, e mairi oia e taua buka ra. Ua riro taua buka ra ei tiaraa no te Faaroo Momoni mai to te tia-faahou-raa o te Mesia riroraa ei tiaraa parau no te ao Cherisetiano. Mai te mea e parau haavare te parau no te tia-faahou-raa ua faatupuhia ia te faaroo Cherisetiano i nia i te haavare. E mai te mea e haavare te Buka a Moromona ua riro atoa ia te Faaroo Momoni ei haavare na te tiaporo.

E tia apipiti, e a ore râ, e mairi apipiti te faaroo Cherisetiano e te tia-faahou-raa o Iesu mai te Faaroo Momoni e te Buka a Moromona. Area râ ua tuu te tia-faahou-raa, e te Buka a Moromona, ia raua ei tamataraa i mua i te aro o te feia aravihi mau no te ohipa imiraa ra.

Ua farii ratou i taua tamataraa ra e i te hopea ua faaite mai ratou e, ua rahi roa te mau tapao tei faaite papu e, no tupu-mau-ihoa te tia-faahou-raa e e parau mau te Buka a Moromona. Aa vaiiho i te feia tiaturi-ore ia hi'o i te reira e i tatarahapa a vai noa'i te taime au maitai no te haapaoraa i te reira.

E me
ao ra.
mai i T
parau r
Mai te
no te fa
Oia i te
te Buka
faa rahi
no te fa

Ua ra
tupu i te
tu ta outo
faatupup

Te fa
ratou no t
tahi mau l
pu Pu i te

Ua ta
ratou faat
tapea i te
peapea ma

E mea t
no te mea
haamana'o
tai hoi ia

A faaite
patururaa

E mea here, e te aroha hoi, te Atua, to tatou Metua i te ao ra. Te mahiti noa nei te mau ravea ia tia Ia'na ia parau mai i Ta'na mau Tamarīi tei parahi i nia i te fenua nei. E parau mau papu roa te reira e ua ite papu roa vau i te reira. Mai te mea e faatia tatou i te mau mea atoa tei hinaarohia no te farii i te pahonoraa i ta tatou mau pure, e horoa mai ia. Oia i te ite papu e, ua tia-faahou-ihoa o Iesu e ua riro mau te Buka a Moromona mai ta matou e parau nei—e buka fau-faa rahi, tei horoa-semeio-hia mai ia riro oia ei tapao papu no te faaite mai e, e parau mau te Faaroo Momoni!

Joseph F. Merrill.

E PARAU RII API

Ua rave rahi te taata, i Papeete nei, tei roohia i te hoê ma'i apī te faa-tupu i te mauui rahi i te ouma, te ruaai e te hi atoa hoi. Ia roohia noahia'-tu ta outou mau tamarīi i te reira ma'i a tii haavitiviti i te taote, eiaha e faataupupu.

Te faaineine nei te Pupu Pu, e te mau melo no te Amaa i Papeete, ia ratou no te haereraa i te Amuiraa Eperera i Tubuai. Te haapii nei ratou i te tahi mau himene apī, te tahi mau haapiiraa hoho'a e te rave itoito nei te pupu Pu i te ohipa haapiiraa pehe apī.

Ua tano roa te mau feia faatere no te Hau i to ratou faaueraa, e to ratou faataaraa hoi ia faanuuhia te avariraa pârau i te ava'e Eperera ma te tapea i te mau taata i nia i to ratou mau motu e tae noa'tu ia ore te mau peapea ma'i.

E mea tia roa, ia outou te mau taata o te fenua nei, ia mauruuru outou no te mea te vai ra te reira mau taata maitai, i roto i te faaterersa Hau tei haamana'o i te maitai o te huiraatira e tei hinaaro hoi i te tauturu e te aratai hoi ia outou.

A faaite atu na i to outou mauruuru ia ratou na roto i te haapaoraa e te patururaa hoi i te ture.

I te fenua Samoa te haere noa nei te ohipa no te faatiaraa i te fare haapiiraa ta te Ekalesia a Iesu Mesia no te Feia Mo'a no te Mau Mahana Hopea Nei e faatupu nei i reira. Ua topahia taua fare haapiira i te i'oa ra o Pesega. No te reira ua tupu te parau maitai, i rotopu i te mau taata maohi o taua fenua ra e te mau faatere Hau atoa hoi.

I roto i taua Misioni ra, i teie nei, e tia noa i te mau Orometua ia aparau atu i te Peretiteni Misioni na roto i te niuniu paraparau radio.

I te oire ra i Oslo, Norue, ua rave te mau Orometua tei poro-haere i te Evanelia i reira, i te ohipa pereraa basketball ei tauturu no ratou ra. A tahi ra te basketball i hautihia'i i te fenua te hitihia e te mahana i te hora 12 i te po ra. Ua anaanatae te taata i te iteraa i te reira e ua rave rahi te mau pupu tei faatihia, i taua fenua ra, i teie nei.

I te fenua Argentina, America Apatoa, ua roaa te rê, no te ohipa ou'araa, i te hoê Orometua no te Ekalesia nei, o Calvin Clark to'na ra i'oa. Teie te parau tei papaihia no'na i roto i te ve'a no te ohipa sport a te Hau, te "El Mundo":

"Ua vai noa te rê, no te ou'araa, no na matahiti 18 ra, noa'tu ra i te reira maoro ua hemo te reira i teie nei. Ua tapeahia taua rê ra e Valerio Valanico tei afai i te reira i te faito ra e 1 metera e e 91 tenetimetara. Ua tae mai te tamaiti aito, no America Apatoerau ra, o Calvin Clark, e Orometua Momoni hoi, tei tupai i te reira rê tahito ma te ou'a 1 metera e e 95 tenetimetara. I teie nei ua tuu oia i to'na i'oa i roto i te pupu Athlete Federation."

I te pae o te hitiaa o te ra ua opanihia te Misioni no te Ekalesia a Iesu Mesia no te Feia Mo'a no te Mau Mahana Hopea Nei tei i te mau fenua nua Suria e Lebanona, no te mau peapea te tupu nei i reira. Ua faataahia te mau Orometua tei rave i te ohipa i reira, ia haere atu ratou i roto i te tahi atu â mau Misioni, oia hoi, i te mau Misioni i Baratane, i Farani, i Holan, i Purutia i te tooa o te râ e i Suiti-Autria.

Aita te avion, tei parauhia e tae mai te 7 no teie ava'e, i tae mai.

Te haere noa nei, te tahi mau taeae no te Amaa no Papeete nei, i Papeete te mau mahana maa atoa no te tautururaa i te ohipa a te Ekalesia i reira.

Te faaitoitoe nei to tatou pupu Basketball, i Papeete nei, no te faaineinaraa ia ratou no te tatauraa rahi te haamatahia i te 13 no Eperera i mua nei. Ua titauhia o Tihati Orometua, no Mataiea, ia haere mai no te haapii ia ratou.

Te rave nei o Tu â Menemene raua o Bernard Laresona, Orometua, i te ohipa i Mataiea e i Paea atoa hoi.